

Oppsummering frå folkemøte om kommunereform

**EXIT SKODJE
...eller ny giv?
Gomerhuset 29. september 2015**

Politikarane i Skodje vil takke for godt oppmøte og stort engasjement i møtet!

I oppsummeringa under finn du hovudtrekk frå innspela deltakarane hadde i møtet. Innspela var knytt til ulike sider ved kommunereforma. Både verdispørsmål og strukturar i ei framtidig kommune vart sett på dagsorden. Truslar og mogelegheiter i ei ny kommune vart drøfta, og deltakarane kom og med nokre anbefalingar til kommunestyret i det vidare arbeidet med reforma.

Kva er føremålet med ei kommune?

I arbeidsgruppene var ein innom oppgåver knytt til både samfunnsutvikling, forvaltning av demokrati og tenesteutvikling. Ei kommune skal byggje gode lokalsamfunn, og samtidig bidra til regionbygging og vekstkraft. Demokratiet skal ivaretakast og tenestene skal bli gitt med rett kompetanse og kvalitet. Innbyggjarar skal få den hjelpa dei treng, når dei treng det, der du bur.

Innspela synleggjorde føremålet med ei kommune og dei mangfaldige oppgåvene kommunen skal forvalte

Verdiar:

Identitet, å bry seg om kvarandre, nærliek , tryggeik, kvalitet, gode tenester, rettstryggleik, engasjement, personleg kontakt, var stikkord i debatten som tyder på at arbeid med kommunereform omhandlar viktige verdidiskusjonar og verdival. Innspela i folkemøtet var knytt til om desse verdiane vert styrka eller svekka i ei ny og større kommune

Antakingar og historier:

I løpet av folkemøtet identifiserte ein og nokre antakingar og historier knytt til kommunereform. Døme på dette var: «Store kommunar er ikkje bra», Små kommunar er «ute», «store kommunar er lik sentralisering og forskjellshandsamling», «Ålesund skal vere motor, men er ein bremsekloss», «Vi vil få berre «yrkespolitikarar», «Skodje vil verte ein utkant», «Det er ikkje avklar kva som skjer med gjeld», «Skodje sin økonomi vil bli styrka», «Skodje sin økonomi vil bli svekka» ,«Ålesund er nedsylta i gjeld og har stort etterslep på inv. og vedlikehald», « Gjelda til Ålesund er stor, men dei har store eignedelar» « Dårleg erfaring med byggjesak i Ålesund» «Kommunereforma gjekk dårleg i Danmark»
Dese antakingane vert viktige å gå nærmare inn i for kommunestyret. Kva seier dei gjennomførte utgreiingane om dette, og kva må eventuelt utgreiaast vidare for å få eit best mogeleg grunnlag for å ta ei avgjerd

Struktur:

Mange var opptekne av kva som vil skje med lokalisering av det kommunale tenestetilbodet. Vil det skje ei sentralisering på bekostning av lokale tilbod, vil kontakten med innbyggjarane verte dårlegare- mindre kontakt med administrasjonen? Kva er eigentleg ein passe stor kommune?, Kva kan takast ut i eventuelle stordriftsfordelar, kvar går skjeringspunktet for stordriftsfordelar/ stordriftsulemper? Kva skjerr med skular, barnehagar? Kva skjer med fritidsaktivitetar? Kan det verte større valmogelegheiter i ei større kommune eller vil det


lokale tilbodet verte därlegare? Nokre meinte at Skodje er sentrum uansett struktur, og ligg i så måte heldig til for den kommande reforma.

I folkemøtet ba ein om konkrete innspel som politikarane kan ta med seg i det vidare arbeidet. Innspela kjem fram i punkta under:

- Det bør utgreiast nye demokratimodellar
- Skodje kommune bør bidra til å styrke regionen og sikre heilskapleg samfunnsplanlegging
- Det trengs økonomiske avklaringar med tanke på gjeld, eigedomsskatt og egedelar
- Et bør arbeidast for å avvikle eigedomsskatt
- Vi må sjå det store bilde i sak om kommunereform. Her er eit rom for mogelegheiter og det må vi utnytte.
- Skodje kommune må styrke sitt kultur og fritidstilbod ytterlegare
- Skodje kommune bør styrke tilrettelegginga for lokale lag
- Skodje kommune må fortsatt ha eit publikumsmottak der innbyggjarane får den servicen dei treng.

Vidare arbeid med kommunereform:

Dei viktigaste milepælane er som følgjer:



Arbeidsgruppa for kommunereform i Skodje kommune kjem til å arbeide vidare med å finne fakta/svar på antakingane og spørsmåla som kom fram i folkemøtet. Det skal også gjennomførast ei innbyggjarundersøking i alle sunnmørskommunane i løpet av september. Undersøkinga vert gjennomført ved oppringing av eit representativt utval av innbyggjarane. Det vil også bli vurdert å gjennomføre fleire folkemøte der ein vil kome i nærmare berøring med innbyggjarane si mening. Lag og organisasjonen som ønskjer å møte kommunen for informasjon og dialog kring reforma bes ta kontakt. Skodje kommune vil vere positiv til å stille i sike møte